

Na osnovu člana 70. stav (3) tačka d) i člana 71. stav (3) Zakona o visokom obrazovanju Tuzlanskog kantona (prečišćeni tekst) („Sl. novine TK“ broj: 21/21 i 5/22) i člana 130. Statuta Univerziteta u Tuzli broj: 03-730-1/17 od 03.02.2017. godine, Odluke o izmjenama i dopunama Statuta JU Univerzitet u Tuzli broj: 03-593-1-1/20 od 30.01.2020. godine, Odluke o izmjenama i dopunama Statuta JU Univerzitet u Tuzli broj: 03-6094-1/20 od 17.12.2020. godine i Odluke o izmjenama Statuta JU Univerzitet u Tuzli broj: 03-653-1-3/22 od 09.02.2022. godine te Odluke o raspisivanju Konkursa za izbor i imenovanje dekana Tehnološkog fakulteta Univerziteta u Tuzli broj: 02/9-4281-1-1/22 od 24.08.2022. godine, Naučno-nastavno vijeće Tehnološkog fakulteta Univerziteta u Tuzli, raspisuje

K O N K U R S

za izbor i imenovanje dekana Tehnološkog fakulteta Univerziteta u Tuzli

I

Raspisuje se Konkurs za izbor i imenovanje dekana Tehnološkog fakulteta Univerziteta u Tuzli.

II

Za dekana Fakulteta može biti izabran kandidat koji ispunjava sljedeće **opće i posebne uslove.**

Opći uslovi su:

- a) da je državljanin BiH,
- b) da je zdravstveno sposoban za obavljanje funkcije dekana,
- c) da nije pravnosnažnom odlukom suda osuđen za krivično djelo i privredni prijestup, koji predstavljaju smetnju za imenovanje na datu funkciju,
- d) da mu pravnosnažnom odlukom suda nije izrečena mjera zabrane obavljanja poslova/dužnosti dekana,
- e) da se na njega ne odnosi član IX.1. Ustava BiH.

Posebni uslovi su:

- a) da je izabran u naučno-nastavno zvanje redovnog ili vanrednog profesora na Univerzitetu u Tuzli,
- b) da je u radnom odnosu na Univerzitetu u Tuzli sa punim radnim vremenom, s tim da najmanje polovinu nastavne norme mora biti angažiran na Tehnološkom fakultetu,
- c) da poznaje (aktivno govori) najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Dekan fakulteta imenuje se na mandatni period od 4 (četiri) godine.

Kandidat koji u toku mandata stiže uslove za penziju ne može biti izabran za dekana fakulteta.

III

Uz **prijavu** na Konkurs kandidati su dužni priložiti, u **originalu ili ovjerenj fotografiji**, dokaze o ispunjavanju općih i posebnih uslova i to:

1. biografiju,
2. uvjerenje o državljanstvu BiH, ne starije od 6 mjeseci, u skladu sa tačkom a) općih uslova,

3. izjavu da pravnosnažnom odlukom suda nije osuđen za krivično djelo i privredni prijestup koji predstavljaju smetnju za imenovanje na dužnost dekana, ovjerenu kod nadležnog organa ili notara, u skladu sa tačkom c) općih uslova,
4. izjavu da im pravnosnažnom odlukom suda nije izrečena mjera zabrane obavljanja poslova/dužnosti dekana, ovjerenu od strane nadležnog organa ili notara, u skladu sa tačkom d) općih uslova,
5. izjavu da se na njih ne odnosi član IX.1. Ustava BiH, ovjerenu kod nadležnog općinskog organa ili notara, u skladu sa tačkom e) općih uslova,
6. odluku o izboru u naučno-nastavno zvanje na Univerzitetu, u skladu sa tačkom a) posebnih uslova,
7. uvjerenje da je u radnom odnosu na Univerzitetu u Tuzli sa punim radnim vremenom i da je najmanje polovinu nastavne norme angažiran na Tehnološkom fakultetu, u skladu sa tačkom b) posebnih uslova,
8. dokaz da aktivno govori najmanje jedan svjetski jezik, u skladu sa tačkom c) posebnih uslova (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog organa ili notara, u skladu sa tačkom d) posebnih uslova,
10. izjavu da nema privatni finansijski interes na Univerzitetu, ovjerenu kod nadležnog organa ili notara, u skladu sa tačkom e) posebnih uslova.

Izjave iz tačke III - podtačke 3, 4, 5, 9 i 10 moraju biti ovjerene kod nadležnog općinskog organa ili notara, a ostali dokazi iz tačke II moraju biti u originalu ili u fotokopiji ovjerenoj kod nadležnog općinskog organa ili notara.

Dokaz o ispunjavanju uslova iz tačke II-podtačka b) općih uslova (ljekarsko uvjerenje o zdravstvenoj sposobnosti za obavljanje funkcije dekana), ne starije od 6 (šest) mjeseci, dužan je dostaviti naknadno samo kandidat koji bude izabran na navedenu funkciju, a prije zaključivanja ugovora o radu, odnosno aneksa ugovora o radu.

IV

Kandidat za dekana Fakulteta dužan je, uz prijavu na Konkurs dostaviti i Program rada i razvoja Fakulteta za mandatni period, u pisanoj i elektronskoj verziji (CD).

V

Prijave, sa svim potrebnim dokazima, dostavljaju se u roku od 15 (petnaest) dana od dana objavljivanja Konkursa u dnevnom listu.

VI

Nepotpune i neblagovremene prijave neće se uzeti u razmatranje.

VII

Informacije o djelokrugu rada dekana fakulteta dostupne su na WEB stranici Univerziteta u Tuzli www.unitz.ba (Akti - Statut; Pravilnik o unutrašnjoj organizaciji i sistematizaciji)

VIII

Prijave na Konkurs s potrebnim dokazima, dostavljaju se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija - uz naznaku «Prijava na Konkurs za izbor dekana Tehnološkog fakulteta», ul. Dr. Tihomila Markovića br. 1, 75000 Tuzla.